

ղերսէր թէ Ծառայք իմ, զմայրիկն իմ ինձ բաշխեցէք: Եւ սոքա ի խեղճ եկեալ և յամօթի հարեալ թէ Քեզ մայրն քո բաշխած լիցի և զայն ի մեզ տո՛ւր կենդանի: Եւ թագաւորն ասացեալ թէ Երբ տամ զնոսա ձեզ, սպանեա՞լ եղեր կամ կենդանի. և ի նմին ժամու զղափու աղասին և զըզլար աղասին խեղդամահ արարեալ և կու իջուցանեն ի պալատի պարսպէն ի վայր ի մէջ զօրացն: Եւ տեսեալ զնոսա ասեն թէ Նոքա չեն սոքա, թագաւո՛ր, այլ նման են նոցա: Եւ թագաւորն բազում երգմամբ հաւատարմացուցանելով զձառայն թէ Նոքա են: Եւ ի յոտո նոցա կապեցին պարան և քարշեալ բերին զերկոսեանն յընթացս ասպարիսին, որ կոչիւր Աթմէյտան և կախեալ զնոսա<sup>1)</sup> ի ծառ մի, որ կոչի չինար աղածի՝ ի յօտիցն ի վար գլխիվայր. և յորժամ կախեցին՝ յայնժամ զսատակեալ զարշիլի մարմինն անդամ անդամ և յօշ յօշ կտրատեալ զօրքն ամենայն և պատառ պատառ առեալ՝ գնացին իւրաքանչիւր տեղիս, զի մնաց միայն լոկ ոսկերք ջլացն և ողոշարն և գլուխն երեւիւր ի կախաղանին. ոչ ձեռք և ոչ թեք, ոչ փոր և ոչ միս թանձր, այլ միայն նշմարանք ոսկերցն, որպէս զՂարա Աբտուլային, քանզի էին գէրս և փափուկս. այժմ առին զառհաւատչեայն: Եւ ի ժամուն յայնմ որ զայսոսիկ ետ թագաւորն, ևս և հրաման ետ Զուռնազանին ի լուր ռամկին թէ Զդրսի փախած մարդիկն գտէք դուք և սպանէք և ես զներսն սրբեմ. դա ձեզ վէզիր լիցի և էնկիւզէր աղասի՝ Մէհմէտ աղա Կօսկաֆուրունլի: Ըսկիզբ աղմուկիս և մայր այս եղև թէ Վէզիր լինիմ, և այսչափ բան յառաջ գնաց և ահա այժմ եղև վէզիր: Եւ գնացեալ ամբօխն հանգեան յայնմ տեղի որ ասի էթմէյտանի:

1) զնա.